

# Kugbɔnkpiεku kùà Pɔl kεle' ki de' **Tesalonik** yaab nnɔ Nà wɔngh kugbɔnku kuu te **ma bo**

Tesalonik yé Maseduɔnn ya tinfɛnm ya ducenciɛn nɛ. Pɔl là joh usɛn nle bo ma nnɔ nɛ ki tɔke' ni'bo yaab Kristo ya gber. Wɔn nin Silfɛn nin Timote nɛ là tɔke. Tesalonik yaab bà yɛbe ɲa là yé Sufmbɛ.

Sufmbɛ bà là te udu nnɔ ni nnɔ ya biba ɲa tuo' Pɔl ya gber, ki sure' bɛ bi kpre' ni'kɛ saan Pɔl nin u'tɔb bo.

Kí cin liyul 1 kí tí baa iyul 3, Pɔl tɔkeh ki teh wɔn nin Tesalonik yaab ya yɛnm sɔnge tɔb bo. Bi du Kristo bo, ki yíe tɔb ma nnɔ nɛ u faare' Uwien bi'bo, ki tiere' bɛ wɔn nin u'tɔb là te bi'saan uyo wà nnɔ bi là ɲmɔbe mitetem mà.

Kí cin iyul 4 kí tí baa iyul 5, Pɔl laa' Tesalonik yaab biba ɲa ben Yesu ya baam ya gber mɔnmɔnm; nɛ u tùɔre' ki tɔke' bɛ tù ni'donbó. Biba laa' bi'yaab biba kpuokeh Kristo ɲa laan biε ki baa'. Bi maaleh bà kpuokeh nnɔ li fɔre ma bo ma nnɔ, nɛ Pɔl tɔke' bɛ ki ye bà kpo' nin bà fuobe kɛ tɛ nin Yesu Kristo nɛ, ki lá li mɛkre lidaali liba.

## *Ifuonde*

<sup>1</sup> Min Pɔl nin Silfɛn\* nin Timote nɛ kieh kugbɔnku kuu tí de Kristo ya taanl là te Tesalonik

---

\* **1:1** Liike Itùon 17:4, 5.

ya du ni, ki yé Baa Uwien nin Yonbdaan \*Yesu Kristo yaal nnɔ. Uwien ní juoke nɛ, kí de nɛ uyenduɔn.

*Pɔl faareh Uwien Tesalonik yaab ya tekjim bo*

<sup>2</sup> Ti tuu ki faareh Uwien ni'ke bo nɛ, ki tien ni'bó ti'kaare ni.

<sup>3</sup> Ti tuu ki tien ni'bó ti'Baa Uwien ya nun bó kí ñɛ ni'tekjim cèreh ni sɔnh itùon yà nin ni ñmɔbe miyíem ki sɔnh yà nnɔ nin ni ñmɔbe lidɛndɛnl ti'Yonbdaan \*Yesu Kristo bo ní tĩ kende' ma nnɔ bo nɛ.

<sup>4</sup> Ti'yaab bà Uwien yíe bɛ, ti bɛn ki ye Uwien nɛ gènde' nɛ ní li yé u'yaab.

<sup>5</sup> Kimɛ ti là tɔke' nɛ tigbɛmɔnmɔnt tà nnɔ ña là yé ñɔbon baba, \*Mifuoñaanm nɛ là cèrɛ' tù ñmɔbe mituɔm, ki cèrɛ' ti du ki ye tù yé tigbɛmɔnt. Nɛ ni bɛn ti là te ni'saan uyo wà nnɔ, ti'tetem là te ma bo. Ti là te nnɔ ñɔ nɛ ní li mɔn ni'bo nɛ.

<sup>6</sup> Ninbi tɛkn' tinbi nin Yonbdaan ya taal ni nɛ. Nin ni teke' u'gbɛr ijɛndciɛn ni ma ke nnɔ, ni ñmɔbe uyɛnsɔnge wà \*Mifuoñaanm dienh wù nnɔ.

<sup>7</sup> Nnɔ nɛ Maseduɔnn ya tinfɛnm ya dutɔ yaab nin Akayi yaab bà ke teke' \*Yesu ki jin' nnɔ mɔ li tɛkn ni ya taal ni.

<sup>8</sup> Kimɛ Yonbdaan ya gbɛr ñɛn' ni ya bùol nɛ ki yere' Maseduɔnn ya tinfɛnm ya dutɔ nin Akayi ya tinfɛnm ya du ke ni. Na yé i ya du ni baba, binib cii' ni'ke saan ni teke' Uwien ki jin' ma bo. Nɛn bo, ta ji ñmɔbe tuba tí tɔke.

<sup>9</sup> Kimɛ ni'bó ya nib lienh ti là baa' ni'bùol ni teke' tɛ ma bo ya gbɛr nin ni wiɛ' ibule, ki pekre' ki paan' Uwien limiɛl ya daan, wà tuu ki te nnɔ bo ma bo,

<sup>10</sup> ki gu u'Bijε \*Yesu ní ñε paaki bó kí baa ní. U là cère' wɔn nε mεkre' bitenkpiib ni. Wɔn nε ηmiendeh tε Uwien ya benpiebe ni, ki li ηmien tε lidaali là Uwien li bu binib tibuur nnɔ.

## 2

### *Pɔl lienh u sɔn' itɔɔn Tesalonik ya du ni ma bo*

<sup>1</sup> Ti'yaabe, ninbi mɔnɔn bεn ki ye ti là baa' ni'bùɔl ni teke' tε ma nnɔ ηa juore' fεnm.

<sup>2</sup> Ni bεn ki ye bi là jènde' tε, ki suke' tε Filip ya du ni. Ama nin binib là ñεn' ti'bo kinunbɔnk ma ke nnɔ, ti'Wien de' tε lifèl ti tɔke' nε u'gbεmɔnmɔnt.

<sup>3</sup> Ti là sureh nε ní cenge Uwien ya gber ma nnɔ ta là nuunh tí tuln nil, ka ηmɔbe yenmaalbiere, ka nuunh tí lere kí ji mɔ.

<sup>4</sup> Ama Uwien bikn' tε ki laa' ti kpε tí tɔke binib u'gbεmɔnmɔnt nε ki taa' tù ki ηukn' tε. Nεn bo nε ta nuunh ti tɔkeh tù la, binib ya yεnm ní li sɔnge ti'bo, ti nuunh Uwien wà bεn ti'fèl ni te ma bo nnɔ ya yεnm nε ní li sɔnge ti'bo.

<sup>5</sup> Ni bεn ki ye ta kpele ki len' ñηmaagber tí lere nil, ka kpele ki nuun' tí ñi nil bo kí lε like. Uwien nε yé ti'mɔnkunl.

<sup>6</sup> Ta kpele ki nuun' ninbi bii nitɔb ní pèke tε, kime ta nuunh pεnpεku nisaal saan.

<sup>7</sup> Ti yé \*Kristo ya tondb ma nnɔ, ti bi li fre kí wuɔn nε kí ye ti ηmɔbe ukpieke, ama ta tien' nnɔ. Ti là te ni'saan ma nnɔ, ti là duɔn' ti'yεnm ni'bo tɛn upii ηaandeh ma u'bumu, u'yεnm sɔnge mu'bo u likeh mù nε.

<sup>8</sup> Ti yíe nε ní tí kende' ma nnɔ, na yé ti'nun mɔn tí tɔke nε Uwien ya gbεmɔnmɔnt baba nε. Ninbi bo,

ti li tuo kí kpo mǎnǎn, kimε ni yé binib bà ta gǎh ni'bo nε.

<sup>9</sup> Ti'yaabε, ni tien ti'tuon nin ti'jiinku bó. Ti là tǎkeh nε Uwien ya gbεmǎnmǎnt ma nnǎ, ti là sǎnh ituon nin inunmǎn nε ñǎnku nin wien ni ηǎ ti la li yé uba bo tukl.

<sup>10</sup> Ninbi bà teke' \*Yesu ki jin' nnǎ nin Uwien nε yé bimǎnkunb ki ye ti là te ní'saan ma nnǎ ti'tetem là cuube nε ka ηmǎbe jǎknt. Ta là ηmǎbe bi li biin tε nǎ bo.

<sup>11</sup> Ni bεn kein ki ye ti là teh ní'ni wǎ kε tεn bibaa teh u'bumu ma bo nε,

<sup>12</sup> ki sureh nε, ki saakreh ni'gbenεnt, ki ñiikεh ki tǎkeh nε ki teh ní li ηmǎbe mitetem mà selndeh Uwien. Wǎn nε yin' nε ní kǎ u'bel ni kí lε u'kpiekε.

*Pǎl pèkeh Tesalonik yaab bi'tekjim bo*

<sup>13</sup> Ti tuu ki faareh Uwien ni'bo uyo kε nibonn nǎ bo nnǎ si: ti là tǎke' nε Uwien ya gbεr, nε ni teke' tù, ki tuo' ki ye ta yé nib yaar tù mǎnbe ki yé Uwien yaar nε, ki cèreh ninbi bà teke' Uwien ki jin' nnǎ teh Uwien yíe nǎ.

<sup>14</sup> Ti'yaabε, ni tǎkn' Uwien ya táan yaab bà te Sude ya tinfεnm ni, ki liεbe' ki yé \*Yesu Kristo yaab nnǎ ya taal ni nε. Kimε ni'du yaab jènde' nε ijend yǎ nnǎ \*Sufmbε mǎ là jènde' bε i ya jend nε.

<sup>15</sup> Bεn \*Sufmbε nnǎ nε là ku' \*Uwien ya ñǎbonsǎknb, ki ku' Yonbdaan Yesu, ki jènde' ti'mǎ cεεn. Uwien ya yenm ηa sǎnge bi'bo. Bi yé binib kε ya nεnnεndb nε.

<sup>16</sup> Bi piendeh tε ti la tǎke bà ηa yé \*Sufmbε tigber tà li cère bε ní ηmεre nε. Bi teh nnǎ nε bi'biere yεbreh ki joh, nε Uwien ya benku ni tí gben' ki ben' bi'bo.

### *Pɔlye wɔ rí tí n̄ lɛ Tesalonik yaab*

<sup>17</sup> Tí'yaabɛ, tinbi nin ninbi dàan' tɔb n̄ tien' idɛn ile ma nnɔ, ti dɔkn' nɛ cɛɛn nɛ. Ti jɛndɛ' tɔb nɛ, ama ti tien ni'ból ti'yɛnmaale ni. Nɛn nɛ cɛrɛ' ti ñikn' tí tí n̄ lɛ nɛ.

<sup>18</sup> Nɛn bo nɛ ti yíe tí liɛbe kí baa ni'saan. Min Pɔl mɔnɔn bikn' nlen, ki bikn' nle, nɛ \*Satan pien' tɛ.

<sup>19</sup> Imɔn, ninbi bo nɛ ti ñmɔbe lidɛndɛnl nin uyɛnsɔnge. Yonbdaan \*Yesu li baa lidaali là nnɔ, ninbi nɛ li yé ti'bo lisuul, nɛ ti'yɛnm li sɔnge ni'bo u'nun ból.

<sup>20</sup> Imɔn, ninbi nɛ yé ti'kpɛke nin ti'yɛnsɔnge.

## 3

<sup>1</sup> Nɛn bo ta rí fre kí cuo ti'ba. Nɛn nɛ cɛrɛ' ti bobn' ki ye tinbi baba rí juore Atɛnn ya du ni,

<sup>2</sup> nɛ ki sɔn' ti'ninje Timote ni'saan. Timote yé ti'tonsɔnlie nɛ Uwien ya tuonl ni, ki tɔkeh binib \*Kristo ya gbɛmɔnmɔnt. Ti sɔn' wɔ ni'saan wɔ rí saake ni'gbɛnɛnt nɛ, kí cɛrɛ ni'tekjim rí faake

<sup>3</sup> ñɔ, idɛn yiɛ ya jɛnd la cɛrɛ uba rí lu mitekjim ya sɛn ni. Kimɛ ninbi mɔnɔn bɛn ki ye Uwien sien' tɛ nnɔ nɛ.

<sup>4</sup> Ti là te ni'saan uyo wà nnɔ, ti là juɔ' ki tɔke' nɛ ki ye ti li ji ijɛnd. Nɛn nɛ tien' nɔ, ninbi mɔnɔn bɛn.

<sup>5</sup> Ma là li fre kí cuo n'ba ma nnɔ, nɛn bo nɛ n sɔn' Timote ni'saan, wɔ rí liike ni biɛ ki pɛ mitekjim ya sɛn bo bii na ji pɛ, kimɛ n là fɛnge nba la \*usɛnpol unibiikl la tuln' nɛ ki cɛrɛ' ti'tuonl juore' fɛnm nɛ.

<sup>6</sup> Fɛnfennɔ nɛ Timote ñɛn' ni'donból ki liɛbe' ní ki lá tɔke' tɛ tigbɛmɔnmɔnt, ki ye ni biɛ ki pɛ mitekjim ya sɛn bo, ki ñmɔbe miyíem. U tɔke' tɛ ki ye ni'yɛnm tuu ki pɛ ti'bo nɛ, nɛ ni ciɛke ní lɛ tɛ tɛn ti'mɔ ciɛke tí lɛ nɛ ma.

<sup>7</sup> Ti'yaabe, nnə ne ni'tekjim cère' ti ηməbe ugbenensaake ti'yensaacien nin ti'jend ni.

<sup>8</sup> Fenfennə, ti ji fuore' ki jiin', kime ni pe Yonbdaan bo mənəm.

<sup>9</sup> Nən bo, ta ben ti li faare Uwien ni'bo kí tĩ kpaan ma bo. Kí ñe ninbi bo ne ti ηməbe uyensəngcién ki poknh ti'Wien ya nun bó.

<sup>10</sup> Ti mieh wə ñənkú nin wien ni nin inunmón ki teh wə ń cère tí tí ń le ne, kí wəkn ne kí tonde nà pəre' ne ni'tekjim ni.

<sup>11</sup> Ti'Baa Uwien nin u'yul nin Yonbdaan \*Yesu ń ηère te usen tí fre kí baa ni'saan.

<sup>12</sup> Yonbdaan ń cère ni ηməbe miyiem mà nnə ń ye bre kí gbien; ní li yie təb nin binib ke ten ti yie ne ma bo.

<sup>13</sup> Nnə ne u li de ne mituəm, ní li yé u'yaab, ki la li ηməbe biil ti'Baa Uwien ya nun bó, lidaali là ti'Yonbdaan \*Yesu li baa ní nin u'nib ke nnə.

## 4

### *Mitetem mà sange Uwien ya yənm*

<sup>1</sup> Tə, ti'yaabe, ti là wəkn' ne ni li fuobe ma bo ηə Uwien ya yənm ń li sange ni'bo. Ne ni fuobe nnə ne. Ti gbierəh ne, ki sureh ne Yonbdaan \*Yesu bo, ní li tūəreh ki teh nnə ki joh inun bó.

<sup>2</sup> Kimé ni ben ti là wəkn' ne Yonbdaan \*Yesu ya wəknm ma nnə.

<sup>3</sup> Uwien yie nà si: ní li ηməbe mitetem mà mən ne, ki la li teh sənsəndl.

<sup>4</sup> Ni'ni wà ke ń bende u li tien ma kí li coh u'ba, ki la li kuəndeh u'ba jəknt, kí li yé unil wà bi boh wə,

<sup>5</sup> ki la li ηməbe sənsəndyənmaale ten binib bà ηa ben Wien.

<sup>6</sup> Uba la li ní bii u'tò, ki la lere wò tu ya gber bo, kimε Yonbdaan dieh binib ya tub i ya biere ke bo ne. Ti là tòke' ne ηò, ki liebe' ki lere'.

<sup>7</sup> Kimε Uwien ηa yin' te, tí li teh nà kuòndeh te jòknt, u yin' te tí li ηmòbe mitetem mà mòn ne.

<sup>8</sup> Nen bo, wà ke yie' tigber tuu la, na yé u yie' binib ya gber ne, u yie' Uwien wà dienh ne \*Mifuoñaanm nnò ya gber ne.

<sup>9</sup> Ni li yie tób Kristo bo ma bo wòn, na ji ciεke nil ní kele kugbònkú kí tòke ne ni li teh ma bo, kimε Uwien cère' ninbi nin ni'yul bende' ni li yie tób ma bo ηò.

<sup>10</sup> Ti'yaabe, ni teh nnò ne nin ti'yaab bà ke te Maseduònn ya tinfenm ni nnò. Ti'yaabe, ti sureh ne ní li tùòreh ki teh nnò ki joh inun bó ne.

<sup>11</sup> Cère mèn ni'nun ní li mòn ní li te suoo. Ni'ke ní li likeh ni'yul bo ya gber, kí li jinh ni'nòje bo ten ti là tòke' ne ma bo,

<sup>12</sup> ηò bà ηa yé Kristo yaab ní li boh ne; ne na ji li jinh itònuò bo.

### *Yonbdaan ya baam ya gber*

<sup>13</sup> Ti'yaabe, ti yie ní bende binib bà kpo' ya gber ηò ki la li te uyensaa ni ten binitòb ne, kimε ben ηa ηmòbe dèndènl.

<sup>14</sup> Ti teke' ki jin' ki ye \*Yesu kpo', ki mεkre' bitenkpiib ni ma nnò, nnò ne bà teke' wò ki jin' ki yaan ki kpo' nnò, Uwien li mεkre bi'mò kí taan ben nin wòn Yesu.

<sup>15</sup> Imòn, ti tòkeh ne tigber tà nò yé Yonbdaan ya ñòbon iba ne. Yen si: Yonbdaan li baa lidaali là nnò, tinbi bà li biε ki fuobe nnò ηa lí li liere bà kpo' usen.

<sup>16</sup> Kimε Uwien lá de usen la, ti li cii Uwien ya tondb ya ciεn ya nieke bó nin Uwien ya natunl ya

muo bó. U ya yo ne Yonbdaan nin u'yul li ñe paaki bó kí li jiinh ní. Nen saan ne Kristo yaab bà kpo' nno li kpie kí mekre.

<sup>17</sup> Ni ya puoli bó ne Uwien li yuure tinbi bà bie ki fuobe nno nin ben tí tuobe Yonbdaan titewalgbont ni paaki bó. Nno ne ti li tuu ki te nin Yonbdaan uyo ke.

<sup>18</sup> Nen bo, li taah men tigber tuu ki saakreh tob ya gbenent.

## 5

### *La gòh men kí li gu Yonbdaan ya baam*

<sup>1</sup> Ti'yaabe, Yonbdaan li baa uyo wà ya gber wòn, na cieke nil ní kele gbónku kí tóke ne,

<sup>2</sup> kime ninbi mánón ben kein ki ye Yonbdaan ya babaadaali li te ten unasu bàareh kuñonku ma bo ne.

<sup>3</sup> Uyo wà binib li lienh ki teh bi te uyenduon ni, niba ña ní tien be nno, u ya yo ne ijendcien li ci be. Ní li te ten imerwien ciikeh utenpunb ma bo ne, ne ba ní fre kí ñe len.

<sup>4</sup> Ti'yaabe, ninbi ña te cinñunl ni ma nno Yonbdaan ya babaadaali ña ní ci ne ten unasu ciikeh binib ma bo.

<sup>5</sup> Kime ni'ke yé kuwenwenku yaab ne, ki yé uwien ni yaab. Ta yé ñonku yaab, ka yé cinñunl yaab m.

<sup>6</sup> Nen bo, la cère men ti li gòh ten binitob. Cère men tí li like, kí li co tí'ba.

<sup>7</sup> Kime bà gòh nno, bi gòh kuñonku ne, bà ñuh ki yibeh nno, bi yibeh kuñonku ne.

<sup>8</sup> Ama tinbi ben wòn, ti yé uwien ni yaab ne. Nen bo, cère men tí li co tí'ba. Cère men tí'tekjim nin



ti'yíem ní li yé ti'bo tijekɔnwɛnt tà lèkndeh ti'fèl bo; ti'ɲmɛrm ya dɛndɛnl mɔ ní li te ti'bo tɛn tikur ya kɛnpinl\*.

<sup>9</sup> Uwien ɲa gènde' tɛ wɔ ní ɲuu ti'bo, ama u gènde' tɛ tí ɲmɛre ti'Yonbdaan \*Yesu Kristo bo nɛ.

<sup>10</sup> Tinbi bo nɛ u kpo', ɲɔ ti fuobe bii ti kpo' la, tinbi nin wɔn ní li tɛ ki te.

<sup>11</sup> Nɛn bo, li saakreh mɛn tɔb ya gbɛnɛnt, kí li toreh tɔb, ni'tekjim ní li faakreh tɛn ni teh ma fɛnfɛnnɔ nɔ.

### *Igbierfɔrke nin ifuonde*

<sup>12</sup> Ti'yaabɛ, ti tɔkeh nɛ ki teh ní li bùh binib bà sɔnh Uwien ya tuonl ni'ni nin inunmɔn, ki likeh nɛ Yonbdaan ya sɛn ni, ki gbierɛh nɛ nnɔ.

<sup>13</sup> Ní li boh bɛ ki gbiekeh, kí li yíe bɛ bi'tuonl bo. Cère mɛn ni'kɛ ya yɛnm ní li dɔ tɔb bo.

<sup>14</sup> Ti'yaabɛ, ti gbierɛh nɛ ní li tɔkeh bà yé ikpaayun† nnɔ ki teh bɛ ní liike bi'yul bo, kí li bien-deh bijɛwaandɛnb ya fèl, kí li toreh bà yé bijiinb, kí li ɲmɔbe kuminku binib kɛ bo.

<sup>15</sup> Liike mɛn ni'yul bo, ki la cère unil tien' u'tɔ ibiere la, wɔ ní tu wɔ fènl. Ama li nuunh mɛn uyo kɛ ní li teh ni'tɔb nin binitɔb kɛ nà mɔn.

<sup>16</sup> Cère mɛn ni'yɛnm ní li sɔnge uyo kɛ,

<sup>17</sup> ní li tuu ki kàareh,

<sup>18</sup> kí li faareh Uwien isɛn kɛ ni, kimɛ Uwien yíe \*Yesu Kristo bo ní li teh nnɔ nɛ.

<sup>19</sup> La piendeh mɛn \*Fuoñaanm ya tuonl,

<sup>20</sup> ki la yih bi sɔkndeh Uwien ya gber tà nnɔ fɛnm.

\* **5:8** Pɔl ya bùol unisaal ya yɛnmaale te u'yul ni nɛ. Nɛ miɲmienm te tɛn tikur ya kɛnpinl ki liike iyɛnmaale bo ɲɔ usɛnpol la fre yí.

† **5:14** Bi li fre kí lɛbre bà yé ikpaayunkí ye bà fuobe fɛnfɛnm mɔ.

21 Li tùɔreh mɛn ki fiinh tibont kɛ, tà mɔn la, ní li ηuuke tun.

22 Wiɛ mɛn ibiɛre kɛ ya bol.

23 Uwien, uyɛnduɔn ya daan nin u'yul ní cèrɛ ní li yé u'yaab kí tĩ gben. Wɔ ní guure ní'kɛ mɔnmɔnm‡ ηɔ ti'Yonbdaan \*Yesu Kristo ya babaadaali ni la li ηmɔbe biil.

24 Wà yin' nɛ nnɔ yé umɛmàndaan nɛ, u li tien nɛn kɛ.

25 Ti'yaabɛ, li kàareh mɛn ki dienh tɛ.

26 Ní fuonde ti'yaab kɛ mɔnmɔnm.

27 N tɔkeh nɛ Yonbdaan ya yel bo nɛ ki teh ní kàan kugbɔnku kuu nɔ ti'yaab kɛ ya nun bó.

28 Ti'Yonbdaan \*Yesu Kristo ní juoke nɛ.

---

‡ 5:23 Bi lɛbre' iñɔbon yà ki ye ní'kɛ mɔnmɔnm nnɔ; ì kɛlɛ' Grɛkmɛ ya lenm ni ki ye: Wɔ ní guure ní'yɛnm nin ni'naank nin ni'gbɛnɛnt nɛ.

**Uwien ya Jɔtiefɛnku ya gbɔnku**  
**The New Testament in the Ngangam language of Togo**  
copyright © 2011 Wycliffe Bible Translators, Inc.

Language: Ngangam

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Ngangam

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 18 Apr 2025 from source files  
dated 29 Jan 2022  
f30fbe0b-cda1-5a60-a4ee-8be80c6caef6